


Yog tias kuv them tsis taus rau kuv cov menyuam mus txhaj tshuaj tivthaiv nev?

Niaj zaus tshuaj tivthaiv yeej yog txhaj dawb rau cov menyuam yog tias lawv tsevneeg them tsis taus. Hu rau 800-232-2522 lossis phab saib xyuas kev nojqab haushuv hauv koj cheebtsam lossis lub xeev mus nug qhov chaw uas koj yuav mus txhaj tau tshuaj tivthaiv dawb lossis yuav nqi pheejyig. Koj tus menyuam yuav muaj kev nojqab hauvhuv yog vim kev txhaj tshuaj!

Thiab no yog ib yam uas hais kom cov niamtxiv nco qab txogl

Cov laus los yeej yuavtsum tau txhaj tshuaj! Hu rau koj lub tsev kuaj mob lossis phab saib xyuas kev nojqab haushuv mus nug txogl tias koj yuavtsum tau txhaj tshuaj dabtsi lossis thaum twg koj yuav tau mus txhaj tshuaj ntxiv. Koj cov menyuam tsuas tos koj txoj kev nojqab hauvhuv xwb!

Txhua tus menyuam hnuvnyoog 0-18 xyoo yuavtsum tau txhaj tshuaj tivthaiv kabmob siab hom B!




Txhua tus yuavtsum tau txhaj tshuaj tivthaiv


Yog tias koj them tsis taus lossis tsis paub tias yuav mus txhaj tshuaj qhov twg, hu rau phab saib xyuas kev nojqab hauvhuv hauv koj lub zos, lub nroog, lossis lub xeev lossis hu rau 800-232-2522.




Txhua tus menyuam yuavtsum tau txhaj tshuaj tivthaiv kabmob siab hom B!



cov yau



cov nrab



thiab cov loj, tibsil

Immunization Action Coalition
1573 Selby Avenue, Suite 234
St. Paul, MN 55104
651-647-9009
www.immunize.org
www.vaccineinformation.org

Cov lus qhia hauv daim ntawv no tau raug tshuaj kom yog raws li hais los ntawm Centers for Disease Control and Prevention. Nws raug tsocai rau txhua tus. Nej hloov tau kom haum raws nej lub tsev kuaj mob lossis kev siv hauv nej cheebtsam. Tabsis, yog nej hloov thov qhia hais tias nej txais yuav los ntawm Immunization ActionCoalition.


Kabmob siab hom B yog dabtsi?

Kabmob siab hom B yog ib yam kabmob phem rau lub siab uas yog los ntawm ib tus kabmob. Tus kabmob no nkag tau rau hauv cov ntshav, mus tom lub siab, thiab ua rau muaj mob loj. Muaj tej zaum, tus kabmob cia li nyob hauv lub cev mus tas sim neej thiab niajnub ua rau lub siab puas zujzus.

Cov menyuam yaus thiab hluas yuav kis kabmob siab hom B licas?

Nws muaj ntau txoj kev. Kabmob siab hom B muaj cuabkav kis los ntawm kev:

- nphav raug ib tus neeg muaj mob cov ntshav lossis kua hauv lub cev
- sib qiv txhuamhniav, chais hwjtxwv, phuam ntxuavmuag, lossis tus neeg muaj mob rab koob hno nqaij
- tibneeg tom
- txiag ib tus neeg muaj mob
- tho pobntseg, tho lub cev, lossis siv cov koob tsis huv los hno duab rau ntawm lub cev



Yog vim licas kuv cov menyuam txhua tus yuavtsum tau txhaj tshuaj tivthaiv kabmob siab hom B?


Txhua lub koomhaum khomob loj hauv Tebchaws Amelikas tau pom zoo tias txhua tus menyuam hnuabnyoog 0-18 xyoos yuavtsum tau txhaj tshuaj tivthaiv kabmob siab hom B thiab yuav muaj kev tivthaiv rau tus kabmob no. Niajnub nimno, txhua tus menyuam mos tsimnyog txhaj tshuaj tivthaiv kabmob siab hom B nrog lawv lwm cov tshuaj tivthaiv kabmob. Yog tias koj cov menyuam yaus thiab hluas tsis tau txhaj tshuaj tivthaiv kabmob siab hom B thaum lawv tseem yog menyuam mos, coj lawv mus txhaj tamsim no.

Kuv tus menyuam puas muaj qhov uas yuav kis tus kabmob siab hom B ntau?

Txhua tus yeej muaj cuabkav kis kabmob siab hom B. Txawm li ntawd los, cov menyuam yaus uas yug, lossis lawv cov niamtxiv yug, sab nraum uas tsis yog Tebchaws Amelikas uas muaj coob tus mob kabmob siab hom B yeej muaj feem uas yuav kis kabmob siab hom B ntau dua.

Cov chaw uas muaj kabmob siab hom B ntau yog Axias, Afrikas, cov Povtxwv Paxifiv, phab Hnub tuaj Yulauv, Tebchaws Xoviaj, thiab Amelikas Qabteb.

Yog tias koj tsis paub tseeb tias koj lub tebchaws puas muaj kabmob siab hom B ntau, nug koj tus kws khomob lossis phab saib xyuas kev nojqab haushuv hauv koj lub nroog. Tej zaum koj tus kws khomob yuav kuaj saib koj cov menyuam puas tau kis tus kabmob siab hom B thaum lawv yuav txhaj thawj koob tshuaj.



Kuv puas tsimnyog cia kuv cov menyuam txhaj tshuaj tivthaiv tom tsev kawm ntawv?

Muaj coob tus menyuam muaj cuabkav txhaj tau tshuaj tivthaiv kabmob siab hom B tom tsev kawm ntawv. Yog tias koj tus menyuam txhaj tau tshuaj tivthaiv tom tsev kawm ntawv, koj thiab/lossis koj tus menyuam yuav tsis tau mus peb zaug rau tom tus kws khomob lub chaw ua haujlwm!

Koob tshuaj tivthaiv no pheejxeeb npaum licas?



Koob tshuaj tivthaiv kabmob siab hom B yog ib koob uas muaj kev pheejxeeb tshaj plaws ntawm cov tshuaj tivthaiv kabmob. Nws raug coj los siv hauv Tebchaws

Amelikas txij xyoo 1981 los thiab pom tau tias yog ib koob uas muaj kev pheejxeeb thiab ua haujlwm zoo.